




玉函山房輯佚書

口 11
1236
38

卅八



1236

1236
38



玉函山房輯佚書目

卷三十六

經編春秋類

春秋穀梁傳義注一卷 晉徐邈

春秋左傳徐氏音一卷 晉徐邈

春秋左氏傳函義一卷 晉干寶

答薄叔元問穀梁義一卷 晉范滂

春秋穀梁傳鄭氏說一卷 晉鄭嗣

春秋穀梁傳注義一卷晉徐邈撰邈有春秋音已著錄隋志有春秋穀梁傳十二卷春秋穀梁傳義十卷並題徐邈撰又別有徐邈答春秋穀梁義三卷唐志作徐邈注十二卷又傳義十卷音一卷今並佚注疏引九十一節北堂書鈔引二節初學記引一節並據輯錄注義二書不能區分總以注義題之本傳稱所注穀梁傳見重於時范為集解引述獨多則以其書辭理典據實有可觀亦以為豫章時採求風教邈與甯書極論諸曹心折有素序所謂二三學士者徐當

春秋穀梁傳注義

序

一 娜嬛館補校

三十六卷二
其選乃楊疏於范氏門生故吏指謂江徐又以所譏
近十家膚淺未學列徐仙民名於七失於深考矣歷
城馬國翰竹吾甫

春秋穀梁傳注義

晉 徐邈 撰

夫子感隱桓之事爲作春秋振王道於無王虞世南

堂書鈔卷九十五

隱公

二年

知者慮義者行仁者守然後可以出會會戎危公也

會戎雖危有三臣之助不至於難故不月也楊士疏

三年春王三月己巳日有食之傳言日不言朔食晦

故也

己巳為二月晦則三月不得庚戌也明宣十年四月丙辰十七年六月癸卯皆是前月之晦也則此己巳正月晦冠以二月者蓋交會之正必主於朔今雖未朔而食著之此月所以正其本亦猶成十七年十月壬申而繫之十一月也取前月之日而冠以後月故不得稱晦知非二月朔也

同上

吐者內壤食者外壤

壤作傷

楊疏云壤字為穀梁音者皆為傷徐邈亦作傷

癸未葬宋繆公傳曰葬故也危不得葬也

文元年傳曰葬曰會言有天子諸侯之使共赴會葬事故凡書葬皆據我而言葬彼所以不稱宋葬繆公而言葬宋繆公者弔會之事賙祿之命此常事無所書故但記卒記葬錄魯恩義之所及則哀其喪而恤其終亦可知矣若存沒隔絕情禮不交則卒葬無文或有書卒不書葬蓋外雖赴卒而內不會葬無其事則闕其文史策之常也

范甯集解

四年

祝吁之挈失嫌也

挈舉楊疏

五年

舞夏天子八佾諸公六佾諸侯四佾

言佾則羽在其中明婦人無武事獨奏文樂集解楊

疏云何休徐邈之等並同范說

八年

庚寅我入邲

人承鄭歸邲下嫌內外文不別故著我以明之集解

九年

俠卒傳俠者所俠也

尹更始云所者俠之氏楊疏

桓公

元年春王傳桓無王其曰王何也謹始也

桓公篡立不顧王命王不能討故無王又且桓公

始終十八年唯元年二年十年十八年有王自外

皆無王故傳據以發問而曰無王楊疏

二年

此成矣取不成事之亂而加之焉於內之惡而君子無遺焉爾

宋雖已亂治之則治治亂成不繫此一會若諸侯討之則有撥亂之功不討則受成亂之責辭豈虛加也哉春秋雖為親尊者諱然亦不沒其實故納鼎于廟躋僖逆祀及王室之亂昭公之孫皆指事而書哀七年傳所謂有一國之道者有天下之道者也君失社稷猶書而不隱況今四國羣會非一人之過以義致譏輕於自己兆亂以此方彼無所

多怪集解

三年

諸母施擊紳戒曰謹慎從爾父母之言

今注疏本作諸母般申之

曰依初學記引穀梁傳下
徐邈改初學記引脫慎字

擊佩囊也紳帶也諸母為施佩帶又戒之也

徐堅初學

記卷十四

五年

秋蔡人衛人陳人從王伐鄭傳舉從者之辭也

舉從者之辭謂王不能以威致三國三國自以義

從耳

楊疏

鄭同姓之國也在乎冀州

新鄭屬冀州

同上

十有三年春二月公會紀侯鄭伯己巳及齊侯宋公衛侯燕人戰齊師衛師燕師敗績

僖九年傳曰禮柩在堂上孤無外事今衛宣未葬而嗣子稱侯以出其失禮明矣宋陳稱子而衛稱侯隨其所以自稱者而書之得失自見矣

集解

十有四年

無冰傳無冰時燠也

傳無冰時燠也謂無冰書時燠煖也時字上屬為句成元年正月公即位二月葬宣公三月作邱甲無冰在其中不是為無冰書月可知也此正月公會鄭伯於曹下云無冰則正月者直為公會鄭伯不為無冰何者無冰一時之事固當不得以月書也

楊疏引舊解云徐邈亦然

無冰者常陽之異此夫人淫泆陰

為陽行之所致也

楊疏

秋八月壬申御廩災乙亥嘗傳御廩之災不志此其

春秋穀梁傳正義

五 柳 媛 館 補 校

志何也以爲唯未易災之餘而嘗可也志不敬也

御廩之災不志不足志而嘗可也嘗可上屬同

十有七年

癸巳葬蔡桓侯

葬者臣子之事故書葬皆以公配諡此稱侯蓋蔡

臣子失禮故卽其所稱以示過集解

莊公

三年春王正月溺會齊侯伐衛

傳例曰往月危往也齊受天子罪人爲之興師而

魯與同其理危也集解

獨陰不生獨陽不生獨天不生三合然後生

古人稱萬物負陰而抱陽沖氣以爲和然則傳所

謂天蓋名其沖和之功而神理所繇也會二氣之

和極發揮之美者不可以柔剛滯其用不得以陰

陽分其名故歸於冥極而謂之天凡生類稟靈知

於天資形於二氣故又曰獨天不生必三合而形

神生理具矣同上

六年春王二月壬子突救衛

春秋左傳句解

六 嬖嬖館補校

諸侯不奉王命朔遂得篡王威屈辱有危故月也

故衛於義善故重子突功不立故著其危集解

十有八年春王三月日有食之傳不言日不言朔夜

食也

夜食則星無光楊疏

二十有三年春公至自齊

不以禮行故致以見危

祭叔來聘

祭叔爲祭公使

禮天子諸侯黝堊

黝柱也堊白壁也謂白壁而黑柱並同上

二十有五年

天子救日置五麾陳五兵五鼓

五兵者矛在東戟在南鉞在西楯在北弓矢在中

央楊疏五鼓者東方青鼓南方赤鼓西方白鼓北方

黑鼓中央黃鼓同上引麋信徐邈

二十有六年

曹殺其大夫傳言大夫而不稱名姓無命大夫也無

春秋左傳句解

七 鄭煥館補校

命大夫而曰大夫賢也爲曹羈崇也

于時微國衰陵不能及禮其大夫降班失位下同於士故略稱人而傳謂之無命大夫也莒慶莒擘邾庶其邾快皆特以事書非實能貴故略名而已楚雖荆蠻漸自通於諸夏故莊二十三年書荆人來聘文九年又襄而書各國轉疆大書之益詳然當僖公文公之世楚猶未能自同于列國故得臣及椒竝略名惟屈完來會諸侯以殊禮成之楚莊王之興爲江漢盟主與諸夏之君權行抗禮其勢

疆于當年而事交於內外故春秋書之遂從中國之例夫政俗隆替存乎其人三后之姓日失其序而諸國乘間與之代興因詳略之文則可以見時事之實矣秦爵伯也上據西周班列中夏故得稱師有大夫其大夫當名氏而文十二年秦術略名蓋于時晉主魯盟而秦方敵晉則魯之于秦情好疏矣禮以飾情疏則禮略以略文乎又吳札不書氏以成尊于上也宋之以著其能恭此皆因事而爲義

集解

孫豹不書氏

二十有八年

無麥禾傳大者有顧之辭也

冬無禾於是顧錄無麥楊不言水旱者麥禾自

不繇水旱同

一年

六月齊侯來獻戎捷也

來獻捷者內齊侯也不

言使內與同不言使也獻戎捷軍得曰捷戎菽也

齊還經魯界故使人獻捷不入國都而言來獻敬

重霸主親而內之也楊疏霸王服遠之功重故詳而

月之也同上戎菽今之胡豆也同

冬不雨

僖十一年傳雩不得雨曰旱然則此云不雨者或

當不雩也楊疏

閔公

元年

諡所以成德也

成謂定其德之優劣北堂書鈔卷九十四

僖公

二年

滅夏陽而虞虢舉矣

舉猶拔也言晉滅夏陽則虞虢自此而拔矣楊疏

四年

其不言使權在屈完也則是正乎曰非正也以其來會諸侯重之也

經不言使屈完者重其會諸侯也

五年

塊然受諸侯之尊己

塊然安然也

九年

葵丘之會陳牲而不殺讀書加于牲上

陳牲者不殺埋之陳示諸侯而已加于牲上者亦

謂活牲非死牲

冬晉里克殺其君之子奚齊傳其君之子云者國人

不子也

不子者謂不子愛之也並同上

十有五年

秋七月齊師曹師伐厲

案齊桓末年用師及會皆危之而月也于時霸業已衰勤王之誠替于初震矜之容見於外禍釁既兆動接危理故月衆國之君雖有失道未足爲一世興衰齊桓威攝羣后政行天下其得失皆治亂所繫故春秋重而詳之錄所善而著所危云爾

集解

三十年

衛侯鄭歸于衛

凡出奔歸月執歸不月者奔則國更立主若故君

還入必有戰爭禍害所以謹其文執者罪名未定其國猶追奉之歸無犯害故例不月

三十有二年

冬十有二月己卯晉侯重耳卒

案詩序及紀年史記晉昭公之後大亂五世又鄭忽之後有子亶子儀且事出記傳而經所無殊多誠當有不告故不書者諸侯有朝聘之禮赴告之命所以敦其交好通其憂虞若鄰國朝望而情志否隔存亡禍福不以相關則它國之史無絲得書

故告命之事絕則記註之文闕此蓋內外相與之常也魯政雖陵遲而典刑猶存史策所錄不失常法其文獻之實足徵故孔子因而脩之事仍本史而辭有損益所以成詳略之例起褒貶之意若夫可以寄微旨而通王道者存乎精義窮理不在記事少多此蓋脩春秋之本旨師資辯說日用之常義故穀梁子可不復發文而體例自舉矣並同上

文公

二年

丁丑作僖公主傳作為也為僖公主也

主蓋神之所馮依其狀正方穿中央達四方天子

長尺二寸諸侯長一尺

集解文楊疏云何休徐邈並與范注同

立主喪主於虞吉主於練

謂之虞者親喪已入壙皇皇無所見求而虞事之虞猶安也虞主用桑者桑猶喪也取其名與其麤物所以副孝子之心練主用栗者謂既埋虞主於兩階之間易用栗木為主取其戰栗故用栗木為主士虞記曰桑主不文吉主皆刻而諡之蓋為禘

時別昭穆也

楊疏引何休云云徐邈注穀梁盡與之同

三年

雨蝨于宋傳外災不志此何以志曰災甚也其甚奈何茅茨盡矣

禾稼既盡又食屋之茅茨

楊疏

四年

夏逆婦姜于齊

不書至不稱夫人不娶賤略之上

同

五年

三月辛亥葬我小君成風王使名伯來會葬

楊疏云左氏公

羊及徐邈並云名伯此本作毛伯疑誤也

六年

晉殺其大夫陽處父傳稱國以殺罪累上也襄公已葬其以累上之辭言之何也君漏言也

春秋之例君殺無罪之大夫則是失德不合書葬今襄公書葬則是無罪而以累上之辭言之者以襄公漏泄陽處父之言故也

楊疏

九年

三月夫人姜氏至自齊傳卑以尊致病文公也

卑以尊致有文公娶齊大夫女為妻故初逆姜氏

不稱夫人今致以夫人禮與逆白違故疾公也同上

九月癸酉地震傳震動也地不震者也震故謹而日

之

繇公子遂陰為陽行專政之所致同上引何休徐邈

十有二年

二月庚子子叔姬卒傳其日子叔姬貴也公之母姊

妹也

上傳云子叔姬者祀夫人見出故不言祀下傳云

許嫁者言是列女非祀叔姬也楊疏

十有三年

禮宗廟之事君親割

禮記曰君執鸞刀而割牲是也同上

十有四年

秋七月有星孛入于北斗傳孛之為言猶彗也

彗扶勿反一音步勿反又音弗粹文

宣公

元年

遂之挈絲上致之也

挈舉楊疏

二年

獲者不與之辭也

獲是不與之辭與者當稱得也故定九年得寶玉

大弓是也

五年

秋九月齊高固來逆子叔姬

傳言吾子是宣公女也

並同上

八年

冬十月己丑葬我小君頃熊雨不克葬傳葬既有日

不為雨止禮也雨不克葬喪不以制也

案經文是己丑之日葬喪既出而遇雨若未及己

丑而卻期無為逆書此日葬禮喪事有進而無退

又士喪禮有潦車載蓑笠則人君之張設固兼備

矣禮先遷柩於廟其明昧爽而引既及葬日之晨

則祖行遣奠之禮設矣故雖雨猶終事不敢停柩

久次集

十有二年

夏六月乙卯晉荀林父帥師及楚子戰于邲晉師敗績傳績功也功事也日其事敗也

先林父者內晉而外楚楊疏於此發傳者深閔中國

大敗於強楚也今以日為語辭同上

冬十有二月戊寅楚子滅蕭

蕭君有賢德故書日也

十有四年

秋九月楚子圍宋

圍例時此圍久故書月以惡之也

十有五年

初稅畝傳初者始也古者什一藉而不稅

藉借也謂借民力治公田不稅民之私也

初稅畝者非公之去公田而履畝十取一也以公之與民為已悉矣

除去公田之外又稅私田之十一也並同上

十有六年

春秋穀梁傳

十六 娜嬛館補校

周災至

注疏本周災不志也楊疏云徐邈所據本云周災至

重王室也

楊疏

成公

元年

無冰傳終時無冰則志此未終時而言無冰何也終

無冰矣加之寒之辭也

此年無冰者繇季孫行父專政之所致也

楊疏引徐邈何

休十二月最是寒盛之時故特於此月書之

同上引糜

信徐邈

三月作丘甲

甲有伎巧非凡民能作而強使作之使書月以譏

之

楊疏

二年

六月癸酉季孫行父臧孫許叔孫僑如公孫嬰齊帥

師會晉卻克衛孫良夫曹公子手及齊侯戰于鞍齊

師敗績

四大夫不舉重者惡魯猥遣四大夫用兵亦以譏

之也

同上

三年

丙午及荀庚盟丁未及孫良夫盟傳其日公也來聘而求盟不言及者以國與之也不言其人亦以國與之也

不言及謂凡書來盟者也若宣七年衛孫良夫來盟是也以國與之謂舉國為主故直書外來爾此先聘而後盟故不言來盟總言及而不復著其人亦是舉國之辭

集解

九年春王正月杞伯來逆叔姬之喪以歸傳曰夫無

逆出妻之喪而為之也

為猶葬也言夫無逆出妻之喪而葬楊疏

夏季孫行父如宋致女

宋公不親迎故伯姬未順為夫婦故父母使卿致伯姬使成夫婦之禮以其責小禮失大節故傳曰不與內稱謂不稱夫人而稱女

十有三年

古之人重師故以乞言之也

引古以刺今耳

春秋設梁專主義

十六 姬嬭館補校

曹伯廬卒于師傳曰閔之也公大夫在師曰師在會
曰會

公及大夫所會諸侯在師言師在會言會並同上

十有四年春王正月莒子朱卒

傳稱莒雖夷狄猶中國也言莒本中國末世衰弱
遂行夷禮葬皆稱諡而莒君無諡諡以公配而吳

楚稱王所以終春秋亦不得書葬集解

十有六年春王正月雨木冰

五行以木為介介甲也木者少陽之精幼君大臣

之象冰者兵之象今冰脅木君臣將見執之異根

枝折者象禍害速至也楊疏

冬十月乙亥叔孫僑如出奔齊

案襄二十三年臧孫紇出奔齊傳曰其日正臧紇

之出也禮大夫去君埽其宗廟不絕其祀身雖出

奔而君遇之不失正故詳而紀之明有恩義也集解

乙酉刺公子偃傳大夫日卒正也先刺後名殺無罪

也

偃為僑如所譖故云無罪

十有七年

九月用郊用者不宜用也宮室不設不可以祭衣服不脩不可以祭車馬器械不備不可以祭一人不備其職不可以祭

宮室謂郊之齊宮衣服車馬亦謂郊之所用言一事闕則不可祭何得九月用郊同上

十有八年

築鹿園

地名天子所方百里公侯十里伯方七里子男方

五里言魯先有園今復築之故書以示譏則郎及

蛇泉亦是譏

楊疏案汲古閣疏本脫百里公侯四字據影宋疏本補

襄公

八年

鄭人侵蔡獲蔡公子澤傳人微者也侵淺事也而獲公子公子病矣

公子病不任為將帥故獲之

楊疏

九年春宋災傳外災不志此其志何也故宋也

春秋王魯以周公為王後以宋為故也是亦以為

春秋設梁專主義

三子嬀館補校

王者之後記災也

二十有四年

大饑傳五穀不升為大饑

有死者曰大饑無死者曰大饑

二十有五年

十有二月吳子謁伐楚門于巢卒傳以伐楚之事門于巢卒也于巢者外乎楚也門于巢乃伐楚也

巢假姓之國

二十有七年

嘗為大夫與之涉公事矣

涉猶歷也

三十年

澶淵之會中國不侵伐夷狄夷狄不入中國無侵伐八年善之也晉趙武楚屈建之力也

晉趙武楚屈建感伯姬之節故為之息兵其意以為諸侯閔伯姬之賢故歸宋財為澶淵之會此不相侵伐連會言之故知為伯姬也

並同上

昭公

元年

秋莒去疾自齊入于莒莒展出奔吳

不為內外所與也不成君故但書名楊疏

四年

秋七月楚子蔡侯陳侯許男頓子胡子沈子淮夷伐

吳

伐不月而書月者為滅厲書

九月取繒

諱故以易言之

五年

秦伯卒

秦伯不名用狄道也並同上

八年

以褐覆質以為櫜

注疏本作以葛范氏注云葛或作褐

恐傷馬足故以毛布覆之楊疏

流旁握御轡者不得入

流至也門之廣狹足合車通至車兩軸去門之旁

邊一握握四寸也轡者不得入轡謂挂著若車挂

春秋左傳卷二十三

三十一 三十一 三十一

著門則不使得入以恥其御拙也同上

九年

許遷于夷

許十八年又遷于白羽許比遷徙所都無常居處薄淺如一邑之移故略而不月不得從國遷居例

集解

二十年

冬十月宋華亥向寧華定出奔陳

月者蓋三卿同出為禍害重也君以臣為體民以

君為命凡為憂者大害民處甚春秋皆變常文而示所謹非徒足以見時事之實亦知安危監戒云耳

二十有七年

邾快來奔

自此已前邾畀我庶其並來奔今邾快又至三叛之人俱以魯為主邾魯鄰國而聚其逋逃為過之甚故悉書之以示譏也小國無大夫故但舉名而略其氏

定公

元年春王三月晉人執宋仲幾于京師

案傳定元年不書正月言定無正也然則改元即
位在于此年故不可以書王書王必有月以承之
故因其執月以表年首爾不以謹仲幾也並同上

春秋徐氏音一卷晉徐邈撰邈有易書詩禮音已各
著錄其春秋音隋志三卷唐志一卷今佚從陸德明
釋文參集韻輯為一帙釋文所引宣成襄昭四公較
多隱莊僖文定五公間引一二桓閔哀三公全缺然
則唐時所存較隋已非完本得此殘編聊當唐志一
卷之目焉歷城馬國翰竹吾甫

春秋徐氏音

晉 徐邈 撰

隱公

五年

鄭人侵衛牧音目

陸德明釋文

莊公

十有九年

取蔣國之圃以為圃于目反

釋文

僖公

春秋徐氏音

一 娜嬛館補校

十有五年

而屨薪焉屨九具反

釋文屨如字徐本作屨云云

二十有八年

盟于斂孟斂音廉又力檢反

釋文

文公

十有四年

有星孛入于北斗孛扶憤反

釋文

齊出獲且長獲居碧反

同上

宣公

八年

壬午猶繹祥亦切又祭也宗廟有繹

丁度集韻入聲二十二昔繹字

注引徐邈讀

十有二年

卜臨于大宮臨力鳩反

釋文

守陴者陴扶移反

不泯其社稷泯亡軫反滅也

而勦民勦子小反

者昧也耆其宜反老也注及下同

春秋徐氏音

二 娜嬛館補校

雙人伍參欲戰雙甫詣反

必長晉國長丁丈反

今釋文本脫徐字正義載釋文有之

御下兩馬兩或作柄皆力掌反或音亮

並同上

掉鞅而還掉乃較反正也

釋文女教切

集韻去聲三十六效掉字注

脫肩公冥反車上兵闌也

釋文

鋪時繹思鋪音敷布也

號申叔展號戶到反一音戶刀反呼也

十有五年

王札子札側乙反

國君含垢本或作詬亦音垢

杜回躡而顛躡陟吏反又丁四反

十有七年

及斂孟斂音廉一音力漸反

並同上

庶有鳩乎鳩音豸直是反解也

釋文

通作豸文爾切

集韻

上聲四緡鳩字注引徐邈

十有八年

邾子戕鄆子于鄆戕在精反

至笙遂奔晉笙音生又勅貞反

並同上

春秋余氏音

三 娜嬛館補校

成公

二年

左輪朱殷於辰反注同

左并轡并芳聘反

且懼奔辟扶臂反

辟司徒之妻也辟甫亦反

賂以紀獻音彥又音言

必以蕭叔同子為質音致下同

百祿是道子由反聚也

棺有翰檜音會

執紼而鳩反

三年

覆諸鄭武旦反一音萬

五年

伯宗辟重辟甫亦反

六年

取鄆音專又市樂反

八年

春秋左傳卷二十九

四 嬖嬖館備校

獲沈子揖音集又於立反

君後諸侯後音胡豆反

九年

使稅之稅始銳反注同

浹辰之間浹子協反又音子答反

十年

晉侯使糴莩如楚糴徒弔反一音杜敖反又土弔反

莩扶廢反一音蒲廢反又蒲艾反

鄭人殺繻立髡頑五班反

絕傷我焉逃之焉於虔反一讀如字屬上句逃之絕

句

居育之上育音荒鬲也

十有一年

沈其二子沈直蔭反注同一音如字

十有二年

於是乎有享宴之禮宴於顯反

朝而不夕朝音朝旦之朝

十有三年

春秋左傳句解

五經館補校

迭我殺地迭音逸

撓亂我同盟撓許高反

又欲闕剪我公室闕如字

伐我涑川涑息錄反又音速

獲秦成差初宜反

使公子欣或作歆亦音欣

十有四年

兕觥其觥兕辭姊反觥音蚪又巨彪反一音巨秋反

立敬妣之子衍苦旦反

不內音納

吾不獲鱒也鱒市戀反一音專

十有五年

出舍于睢上睢許唯反又音綏

十有六年

晉侯使欒黶來乞師黶於玷反

宋將鉏樂懼敗諸洧鉏音在魚反洧音酌一音市

藥反

鄭人覆之覆敷目反一音扶又反又芳又反

人恤所底音旨又之履反

荀伯不復從子容反音或如字

楚晨壓晉軍而陳壓於軋反

在陳而囂讀曰噉五高反注及下同

有淖於前淖徒較反泥也

且侵官冒也冒莫北反

乃掀公以出於淖掀許言反捧輶舉之則公軒起也

一日掀引也胡根反一音虛斤反並同上

躡甲而射之躡在尊反又在損反一音才官反釋交聚

也集韻上聲二十
一混躡字注

徹七札焉札側乙反釋文側瑟切葉也集韻入聲七
櫛札字注

有鞅韋之跗注鞅莫蓋反釋文

以右弗翰胡翰音韓

再發音廢

公出于壞墮壞音懷下徒回反

亦間于卿間音間廁之間讀者或如字

十有七年

邾子纓且反纓居碧反

春秋余氏音

七姬嬭館補校

與婦人蒙衣乘輦與音預

抽戈結衽而鳩反

十有八年

王湫奔萊湫子烏反

鐸遏寇為上軍尉遏音謁

西鉏吾鉏在居反並同上

襄公

元年

侵楚夷焦在堯反釋文

二年

鄭伯論卒論古困反又胡忖反

婦養姑者也養余亮反

其誰暱我暱乃吉反

三年

被練三千被扶偽反注及下同

四年

使行人子員于貧反

天子所以享元侯也注元侯牧伯牧音目

春秋徐氏音

八 嬖館補校

而用寒泥在角反

貴貨易土易神鼓反注同

敗于狐貍敕才反

五年

我心扁扁孔穎反明察也

必改行下孟反並同上

六年

傳于堞養涉反釋文弋涉切女牆也集韻入聲二十九堞堞字注

王湫帥師湫子烏反釋文

七年

未嘗後衛君後胡豆反

八年

于邢上邢音刑

子熙音怡

宣子賦標有梅標扶妙反又扶表反落也

以為子孫藏才浪反

九年

命拔正出馬出尺遂反下同

春秋徐氏音

九 鄭媛館補校

或食於味以出內火味丁遘反出尺遂反內音納

棄位而鼓戶交反注同又如字

肆皆所幸反

暴骨以逞暴扶沃反

公子罷戎入盟同盟于中分罷音彼中音丁仲反

十年

遂滅偃陽偃甫目反又彼力反木或作逼

秦堇父堇音謹

抉之以出門者抉烏穴反又古穴反

狄虺彌音弭一音武脾反

拔戟以成一隊徒猥反

及喋養涉反

及著雍疾著都慮反一音除慮反

還鄭而南還音患注同繞也

十有一年

同盟于亳城北亳扶各反

楚人執鄭行人良霄音消

不從晉國幾亡幾音畿

踏其國家踏蒲北反又敷豆反

納斥候斥音尺一音昌夜反

淳十五乘淳述倫反又之倫反

秦晉戰于樂夫灼反

十有二年

爲邢凡蔣茅胙祭側戒反又如字

十有三年

必易我易神鼓反

十有四年

執莒公子務婁務莫侯反下力侯反務又音如字婁

或音力俱反

蓋言語漏洩音以世反

譬如捕鹿捕音步又音賦

亦無費焉費莫贈反又武登反閻也一音武忠反

至于械衿械于目反一音於鞠反

學射于庾公差初宜反

射兩鞫而還鞫其俱反又古豆反

有母弟鱒市鸞反又音專並同上

殆衛侯殆音陪弔失國曰陪釋文陪魚變反徐本作殆云云

衛人出其君出音黜釋文

道人道在由反又在幽反又子由反

十有五年

養由基為宮廆尹廆音救

則民無覩心覩音喻

與師蒞師蒞音伐

十有六年

于溴梁溴公壁反

莒犁比公犁力私反一音力兮反

次于棫林棫于目反

戰于湛阪湛而林反又丈林反一音直斬反阪扶板

反

遂塞海陘古定反

十有七年

邾子貜卒輕戶耕反

以杙抉其傷而死抉烏穴反又古穴反

國人逐瘵狗瘵居世反一音制

澤門之哲思益反白也

邑中之黔音琴一音其廉反黑也

十有八年

殖綽郭最子會反

右回梅山回胡猥反釋文戶賄切繞也集韻七聲

十有九年

取邾田自潮水潮音郭又虎伯反

苟偃瘳疽瘳音且

而視市至反下同

如百穀之仰膏甬焉仰五亮反下同膏古勃反

齊崔杼殺高厚於灑藍灑所綺反

號之乃下號胡報反名也一音戶刀反

是謂蹙其本蹙求月反拔也一音居月反又居衛反

二十年

褚師段逆之段徒亂反

出其君出音黜

二十有一年

邾庶其以漆閭丘來奔漆音七並同上

春秋徐氏音

三 邾嬖館補校

而不相能乃代反

二十有二年

而何敢差沱直知反一音徒何反注同

釋文池徐本作沱

二十有三年

晉悼夫人喪之喪息浪反

牢成御襄罷師罷音彼一音皮買反

釋文

肱商子車御侯朝肱起居反又音脅或起業反

為二隊入孟門登大行隊徒猥反行戶郎反一音如

字

獲晏菴音來

將其敝車而行敝扶滅反

豐點之廉反

孟氏將辟藉辟甫亦反注同藉音借又如字藉亦借

也並同上

二十有四年

寡君是以請請罪焉上請字音情

釋文是以請罪焉一本作是以請請

罪焉下引徐音

晉侯使張骼輔躒音洛

釋文

春秋徐氏音

古娜媛館補校

鄭人卜宛射犬吉射神石反

部婁無松柏部扶苟反婁力侯反部婁小阜也

溥人以投溥甫各反

吳子邊音謁並同上

二十有五年

孟公卓音綽釋文綽徐本作卓

驟如崔氏驟在遘反釋文

陪臣于振有淫者于讀曰犴胡旦反注同擲側柳反

又子俱反一音作侯反同上

當陳隧者隧音遂又徒猥反下同釋文杜罪切徑也韻

上聲十四

陳侯免音萬喪冠也釋文

祝祓社祓音廢

如鷹鷂之逐鳥雀也鷂之然反又居延反

二十有六年

三軍暴骨暴扶沃反

瑗不得聞君之入瑗于萬反

君淹恤在外淹於嚴反

春秋徐氏音

圭鄭媛館補校

先八邑先悉薦反下同或如字

及雩婁雩況于反婁力俱反

棄諸堤下堤丁兮反

如杞梓上音起下音子皆木名也

若多鼓鈞聲鈞居旬反

晉人與之鄙許六反又起六反

楚晨壓晉軍壓於輒反

涉于汜扶嚴反

二十有七年

如稅服稅讀曰總音歲注同謂總衰也

欲弭諸侯之兵弭武婢反並同上

司馬置折俎折之設反注同又音制釋文征例切斷也

集韻去聲十
三祭折字注

楚氛甚惡氛扶云反釋文

楚人衷甲衷丁仲反

不踰闕沉逼反門限也

以誣道蔽諸侯蔽甫世反

無厭之甚也厭於廉反

告盧蒲嬰敷結反

崔氏堞其宮堞養涉反

崔明夜辟諸大墓辟甫亦反

二十有八年

養人竊更之以鶩音木鴨也

環公室環音患並同上

與我其拱壁拱音恭釋文居容切大壁也
集韻上平聲三鍾琪字注

二十有九年

祓殯而禭祓音廢釋文

以桃茱先茱音例

黨叔黨音掌

颯颯乎颯敷劔反中庸之聲也釋文孚梵切
集韻去聲六十梵颯

字注

直而不倨音居釋文直於切傲也
集韻上平聲九魚倨字注

復而不厭於贍反並同上

見舞韶澗者澗音護又戶郭反釋文
黃郭切湯樂名
集韻

入聲十九鐸澗字注

與之編無而編古到反釋文

春秋余无音

而後能音舒解也

三十年

使為君復音服一音福

待姆也姆音茂

其君弱植音直更反一音時力反

皆自朝分音出而罷扶彼反

自墓門之音價入瀆音豆

豐卷將祭坐音居阮反

子產殖之音烟是吏反

三十有一年

而諄諄焉音諄之間反或一音之純反

工儂灑省音所幸反一音息井反一音銷

釋文消所領反徐本作省

云云

衰衽而鳩音反裳下也

繕完葺牆音葺音集一音七入反覆也謂以草覆牆也

甸設庭燎音力遙反一音力弔反庭燎大燭

莒犁比音公犁力私反

僑將厭音焉厭於輒反下同

並同上

春秋左氏音

六經館補校

昭公

元年

于大鹵大音泰下音魯釋文

可無亢也亢苦浪反又音剛禦也

大國省穡而用之省所幸反注同

而惡囂乎囂五高反注同

弗去懼選素短反注及下同數也

於是莠務婁瞽胡瞽音茂一音謀

於是乎縻之縻音營並同

勿使有所壅閉湫底湫音秋又在酒反釋文雌由切集

也集韻下平聲十

四姬有省所幸反注同釋文

城犖櫟邾櫟失灼反

而目說其事說音悅一音始悅反

二年

武子賦節之卒章節才結反又如字

三年

而數於守適數所主反

春秋左傳上音

九姬嬖館補校

將奉質幣質之二反又音如字

公聚朽蠹聚在喻反一音在主反

而或煨休之煨音憂又於到反一音於六反休虛留

反煨休痛念之聲也

湫隘羸塵湫音秋又在酒反下同

王以曰江南之夢莫公反注同

四年

使舉請聞音閑一音如字

風不越而殺色界反

播於諸侯播字或作幡敷袁反

著丘公立著直據反

渾罕許但反

君子作法於涼音亮

入棘櫟麻櫟力狄反又失灼反

彭生罷賴之師罷甫綺反

號之曰牛號胡到反一音户刀反下同

曰唯以水反唯應辭猶咄也

疏本釋文作囁

五年

春秋

子娜嬛館補校

葬鮮者鮮息淺反不以壽終為鮮注同

鄭伯勞子蕩於汜扶嚴反

思莫在公思息吏反謂羣臣慮也一音如字

享頰有璋觀他彫反

殮有陪鼎陪扶坏反加也

震電馮怒馮敷冰反注同

待命于雲婁雩况于反婁力俱反並同上

七年

叔孫婣敕略反又音釋釋文施隻切集韻入聲二十

先君之敝器注瑤璫玉櫝之屬璫於容反釋文

公孫皙思益反

明于濡上濡音須

作僕區之法區烏侯反又如字僕區刑書名也

寡君將承質幣質之二反又如字

說也為身無義而圖說始銳反

嬖人媯媯音周又救周反始烏答反

康叔名之名武政反

九年

春秋左傳句解

王姬嬖媯補校

仲孫獲俱縛反又居碧反

荀躒音洛

十年

公卜使王黑以靈姑鉦率吉率所類反

十有一年

大蒐于比蒲比扶夷反

盟于禳祥禳子鳩反又七林反

于厥懋五巾反又音五轄反

朝有著定著治居反

衛蒧戚實出獻公出

十有二年

則朝而塌甫贈反

有肉如坻直夷反

公孫僂素口反又所流反並同上

湫平攸乎湫子小反又有酒反一音秋攸以帶反釋文

以九切懸危貌集韻上聲四

司馬督囂許驕反釋文

左史倚相倚其綺反同上

祈招之悒悒於林反安和貌釋文於金切集韻下平聲二十一侵悒

注字

十有三年

與史俾先入俾扶蟹反又扶移又或扶贍反釋文

及公子罷敵罷甫綺反一音蒲買反

將欲入駟於建反一音於晚反

芊尹無字之子申亥芊于付反又音羽

投龜詬天詬許后反

是區區者而不余異甫至反與也

皆厭紐厭於甲反又於豔反

子服湫從湫音椒又子烏反案子服湫又作子服椒

止一人耳

十有四年

分貧振窮分甫問反

莒著丘公卒著直據反

叔魚蔽罪邢侯蔽甫世反

十有五年

喪氛也氣候云反惡氣也

春秋左傳句解

三三 鄒 煥 館 補 校

十有六年

莫知我肄以制反帶也又以自反注同並同上

刑之頗類力對反注同又力猥反釋文路罪切偏頗也

集韻上聲十四賄類字注

十有八年

祓禳于四方祓音廢釋文

二十年

齊侯疥遂疢疥音戒孔穎達正義引徐仙民音作疥云是先儒舊說皆為疥遂疢釋

文舊音戒據補

二十有四年

仲孫糴卒糴俱碧反釋文

定公

元年

皆從壞隕反壞音懷又戶怪反釋文

四年

祓社釁鼓祓音廢

因商奄之民注皆令卽屬魯令力呈反並同上

春秋左氏函傳義一卷晉干寶撰寶有易注周禮注
 後養議已各著錄情志載春秋左氏函傳義十五卷
 舊唐書志作春秋義函傳新唐書志作春秋函傳並
 十六卷今佚孔氏正義引一節杜氏通典引一節輯
 以存典午遺墨晉詩禮志謂寶招思京房夏侯勝等
 傳其說伐鼓于社以為厭勝蓋二子之緒論也歷城
 馬國翰竹吾甫

春秋左氏傳義

晉 干寶 撰

隱公

十有一年

十盈則更始以奇從盈數故言有也經備文傳從

略故傳不言有孔穎達正義

莊公

二十有五年

夏六月辛未朔日有食之鼓用牲于社非常也唯正

春秋左氏傳義

一 娜嬛館補校

月之朔慝未作日有食之於是乎用幣于社伐鼓于朝

秋大水鼓用牲于社子門亦非常也凡天災有幣無牲非日月之眚不鼓

朱絲繫社社太陰也朱火色也絲屬離天子伐鼓

于社責羣陰也諸侯用幣于社請上公也伐鼓于

朝退自責也此聖人厭勝之術杜佑通典卷四十
二引干寶據補

薄叔元問穀梁義一卷晉范甯撰范作集解叔元有

所駁問范隨問逐條答之仿鄭氏釋廢疾之體例也

隋志二卷梁四卷唐志不著錄佚已久楊士勛疏引

十二節全載問答者四節內有一節明載薄氏駁隱

括范答其八節皆載范答薄氏語大指論辨義例叔

元未詳何人與范同時治穀梁之學者也歷城馬國

翰竹吾甫

薄叔元問穀梁義

晉 范甯 撰

桓公

十年春王正月庚申曹伯終生卒傳桓無王其曰王何也正終生之卒也

答薄氏之駁云曹伯亢諸侯之禮使世子行朝故於卒示譏則傳云正者謂正治其罪楊士助疏

十有二年

丙戌衛侯晉卒傳再稱曰決日義也

傳叔元問穀梁義

一 鄭媛館補校

答薄氏云饗且之卒畏於日食之下可知日是也
十有六年

秋七月公至自伐鄭傳桓無會其致何也危之也

答薄氏駁云明桓伐突非本心故言再助

莊公

六年春王二月壬子突救衛

答薄氏云王者天下安危所繫故亦與內同並同上

二十有四年

赤歸于曹郭公作赤蓋郭公也

薄氏駁云赤若是諸侯不能治國舍而歸曹應謂

之奔何以詭例言歸乎楊疏答云凡諸侯出奔其國

者或為人所滅或受制強臣迫逐苟免然後書出

今郭公在國不被迫逐往曹事等如歸故以易辭

言之不得云出奔也楊疏云而范從之者云云
是用范說答云二字據補

二十有六年

曹殺其大夫傳言大夫而不稱各姓無命大夫也無

命大夫而曰大夫賢也為曹羈崇也

薄氏駁云曹羈出奔經無歸處曹自殺大夫何以

薄氏元問殺長

二 嬀嬀館補校

知是羈也又云術之名為晉貶秦然楚亦敵晉何以不略而貶之又此注雖多未足通崇之義徒引證據何益於此哉答之曰羈曹之賢大夫也曹伯不用其言乃使出奔他國終為受戮故君子愍之書殺其大夫即崇賢抑不肖之義也案大夫出奔或書出不書入秦后子是也或書入不書出蔡季是也史有闕漏非是一般何得以無歸之文則怪其非羈也秦以交疏之故而略其臣楚與諸夏會同所以不略也

楊疏

成公

十年春衛侯之弟黑背帥師侵鄭

答薄氏駁云諸侯之尊弟兄不得以屬通有賢行則書弟今黑背書弟者明亦有賢行故也

同上

襄公

二十有六年

八月壬午許男甯卒于楚

薄氏駁云此自發例於大國不明於小國其小國或詳或略許男書日必正也答云春秋稱世子國

薄氏駁元問設例後

三 鄭經館補校

有非正周之襄王晉之恭子曹伯射姑亦是其例
獲且之卒謂于日食之下何以知其不日同上

昭公

三十年

冬十有二月吳滅徐

答薄氏云國不滅而出以月為國國滅例而出出
重發於滅滅夷狄雖時猶加於月然則温子不滅
而出奔何以不月有義而然弦子之奔承八月之
下温子以逃在正月之後何知不月傳於弦子滅

言不曰微國微國則例月例月則不關於君出君
出之重不大於滅國同上

定公

元年春王三月晉人執宋仲幾于京師傳此其大夫
其曰人何也微之也何為微之不正其執人於尊者
之所也不與大夫之伯討也

薄氏駁云仲幾之罪自委之王吏非晉人所執故
傳云不正其執人於尊者之所也譏執不譏無所
歸晉執曹衛他處並可言歸若晉人執仲幾于京

傳叔元問穀梁義

四 嬭嬭館補板

師復何得言歸于京師若如此論何以通乎答云
晉城成周宋不卽役晉爲監功之主因而執之此
自晉人之事安得委之王吏傳當以執人於尊者
之所而不以歸於王之有司非言其不可以執晉
文公執曹衛之君各於其國而並不書國者以其
歸于京師故也今執仲幾不書所歸唯舉其地者
此晉自治之效若使歸于京師與執諸侯同君臣
無別也今直執在京師不可言歸此義猶自未通
有義而然上言城成周序仲幾于會於歸言于京

師其言足誤悟天王居于狄泉在幾內而別處上
言城成周下稱晉人執宋仲幾歸于京師見見執
之異處而歸天子今晉人於尊者之側而執人以
歸自治於國故春秋不與其專執地于京師下文
言此大夫其曰人何微之也何以知大夫有義而
然周之稱名大夫相執無稱名之例因此見義明
大夫相執不書書則微之見伯討失所故云云非
謂大夫相執得見於經經書晉人執衛侯歸之子
京師與伯執稱人不異異則言侯故曰以晉侯而

斥執曹伯惡晉侯也是君臣之別也

立煬宮傳立者不宜立者也

答薄氏云考宮書月比丹楹為重是其三文武宮

十有五年

九月滕子來會葬

答薄氏云屬國非私屬五國為屬屬有長曹滕二

邾世屬服事我故謂之屬

並同上

春秋穀梁傳鄭氏說一卷晉鄭嗣撰嗣不詳何人其說隋唐志皆不載范氏集解引之凡二十節以范序攷之當是甯父汪門生故吏當時亦有撰著而名不及江徐故志佚之也輯為一定說至范氏兄弟邵凱雍泰之等家學同源不復別著云歷城馬國翰竹吾

甫

春秋穀梁傳鄭氏說

晉 鄭嗣 撰

桓公

十有四年

以爲唯未易災之餘而嘗可也志不敬也

唯以未易災之餘而嘗然後可志也用火焚之餘

以祭宗廟非人子所以盡其心力不敬之大也范甯

集解

壬申御廩災乙亥嘗以爲未易災之餘而嘗也

春秋穀梁傳鄭氏說

一 鄭嗣館補校

壬申乙亥相去四日言用日至少而功多未足及

易而嘗同上

莊公

二十有一年

秋七月戊戌夫人姜氏薨傳婦人弗目也

弗目謂不目言其地也婦人無外事居有常所故

薨不書地僖元年傳曰夫人薨不地此言弗目蓋

互辭爾定九年得寶玉大弓傳弗目羞也蓋此類

也同上

僖公

八年

夫人之我可以不夫人之乎夫人卒葬之我可以不

卒葬之乎

君以為夫人君以夫人之禮卒葬之主書者不得

不以為夫人也成風以文四年薨五年葬傳終說

其事

二十有八年春晉侯侵曹晉侯伐衛傳再稱晉侯忌

也

曹衛並有宿怨于晉君子不念舊惡故再稱晉侯以刺之

言曰公朝逆辭也而尊天子

若公朝于廟則當言公如京師而今言公朝是逆常之辭雖逆常而曰公朝王所是尊天子並同上

文公

元年

冬十月丁未楚世子商臣弑其君髡

商臣繆王也髡文王之子成王也不言其父而言

其君者君之於世子有父之親有君之尊言世子所以明其親也言其君所以明其尊也商臣於尊親盡矣

四年

夏逆婦姜于齊傳其曰婦姜為其禮成乎齊也其逆者誰也親逆而成婦或公與何其速婦之也

皆問者之辭問曰以使大夫逆例稱女而今稱婦為是公親逆與怪稱婦速而反覆推之並同上

宣公

二年

故書之曰晉趙盾弑其君夷臯者過在下也

成十八年晉弑其君州蒲傳曰稱國以弑其君君惡甚矣然則稱臣以弑罪在臣下也趙盾弑其君不言罪而言過者言非盾親弑有不計賊之過

八年

夏六月公子遂如齊至黃乃復傳乃者亡乎人之辭也

大夫受命而出雖死以尸將事今遂以疾而還失

禮違命故曰亡乎人言魯使不得其人也並同上

成公

二年

君子聞之曰夫甚甚之辭焉

君子聞戰于鞍乃盟于爰婁焚雍門之茨侵車至海言因齊之敗逼之甚同上

十有二年春周公出奔晉傳周有入無出其曰出上下一見之也

王者無外故無出也宗廟宮室有定所或即位失

其常處反常書入內宗廟也昭二十六年天王入

于成周是集解上謂僖二十四年天王出居于鄭下

謂今周公出奔上下皆一見之上同

襄公

二十有三年

八月叔孫豹帥師救晉次于雍渝傳言救後次非救

也

次止也凡先書救而後言次皆非救也僖元年齊

師宋師曹師次于聶北救邢此師本欲止聶北遷

爲之援爾隨其本意而書故先言次而後言救豹

本受君命救晉中道不能故先言救而后言次若

鄭伯未見諸侯而曰如會致其本意

二十有七年

衛殺其大夫甯喜傳稱國以殺罪累上也甯喜弑君

其以累上之辭言之何也嘗爲大夫與之涉公事矣

若獻人以喜有弑君之罪而殺之則不宜既入以

爲大夫而得殺之明以他故

甯喜由君弑君而不以弑君之罪罪之者惡獻公也

書甯喜弒其君則喜之罪不嫌不明今若不言喜之無罪而死則獻公之惡不彰

三十年

冬十月葬蔡景公傳不日卒而月葬不葬者也卒而葬之不忍使父失民於子也

夫葬者臣子之事也景公無子不可謂無民無民則景公有失於民有民則罪歸於子若不書葬則嫌於失民故曰不忍使父失民於子

並同

定公

二年

夏五月壬辰雉門及兩觀災傳其不曰雉門災及兩觀何也

據災實從雉門起應言雉門災及兩觀

災自兩觀始也不以尊者親災也

今以災在兩觀下使若兩觀始災者不以雉門親

災

先言雉門尊尊也

欲以兩觀親災則輕宜言兩觀災及雉門雉門尊

兩觀卑卑不可以及尊故不得不先言雉門而後言兩觀欲令兩觀始災故災在兩觀下矣

四年

庚辰吳入楚傳曰入易無楚也易無楚者壞宗廟徙陳器撻平王之墓

陳器樂縣也禮諸侯軒縣言吳人壞楚宗廟徙其樂器鞭其君之尸楚無能抗禦之者若曰無人也

哀公

元年

郊三卜禮也

謂下一辛而三也求吉之道三故曰禮也並同上

Table with 3 columns and 10 rows of text, including a large vertical title on the left side of the table.

